



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1861**

XVII. König Wenzel tritt die Uckermark an seinen Bruder Siegmund ab, am  
11. Juni 1378.

---

---

**Nutzungsbedingungen**

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

hern von Axekow, Ditrichen von dem Jorke, Hermannen von der Lu, Kurte Preen, Niclafen Smecker, Hennighen Knopen, Henrichen Parowen, Niclafen Alkun, Godschalken von Tzulowen, Dietrichen Sukowen, Otten von Dewtze, Niclafen Tulendorp, Petern Butzowe, Rodolfen Kerkdorp, Heydenrichen von Bibowe, Henrichen Hoghe, Godfriden von Pleffe, Henrichen Molteken von Vestinghenbrughe, rittern, Helmolden von Pleffe, Hinrichen von dem Loo, Volraden von Tzule, Otten Beyenflit, Curten Molteken, Hennighen Boyenewn, Vlriche von Pentze, Detleuen Lutzowen, Gherharten Neghendanke, Bertolden Moltzan, Henninghe Stralendorp, Helmolden von Pleffe von Barnekowe, Burcharten Lutzowen, Hennighen Halberstat vnd Wiperten Lutzowen, knechten, das alle diese vorgefchriben teidinghen, stucken vnd artikelen stete, ganz vnd vnuorruckte vulfuget vnd gehalten sulen werden, in aller der masse vnd weise, als dauor geschriben steet, ane argeliste vnd allerleye wedderrede. Ouch sulen diese teidinghen, artikele vnd briue andern briuen, die wir vormals vnter einandern am bedersit geben haben, nicht schaden in dheimenwis, vzgenomen doch sulchen pfantchefften vnd briuen, die der obgenante hertoge Albrecht von Meckelburch, hertoge Johans sein bruter vnd ire erben van der marken zu Brandenburg zu phande haben vnd de sie vns obgenanten keyfer Karl vnd vnser erben wider antwurden vnd geben sulen, als dauor begriffen ist. Were ouch sache, das vnser vorgeannten burgen eines eddert mere infigille an diesem briue nicht gehanghen wurden, von welcherleye sachen das gefchege, so sol doch gleich wol dieser briue bei gantzen vnd vullen kreften bleiben in aller masse, als vnser aller infigel an diesem briue hienghen. Mit vrkund ditz briues vorgilt mit vnser aller anhangenden infigelen. Geben zu der Weiden, nach Cristus geburte dreytzeinhundert iare, dornach in dem sechsvndfifentzigsten iare, an sante Philippus daghe vnd Jacobs der heiligen ewelfboten, vnfers obgenanten keyfers Karls ruche in dem dreiffigsten vnd des keyfertums in dem czweyvndzwentzigsten iare, vnd vnfers kunig Wentslawes vorgeant kuningrichs in dem dreizzehenden iare.

De mandato domini Imperatoris

Nicol. Camer. pptus.

Sich, Walthahnsche Urf. Samml. II, 302.

XVII. König Wenzel tritt die Ufermark an seinen Bruder Siegmund ab, am 11. Juni 1378.

Wir Wentzlaw, von Gots Gnaden Romischer kunige, zu allen tzeiten Merer des Reichs vnd Kunige tzu Beheim, bekennen vnd tun kunt allen Luten offenlichen mit diesem Brieff, das wir mit volbedachtem mut, mit Rat vnser Fürsten vnd lieben getrewen, die Burgermeister, die Rete vnd die Burger gemenlichen der Stete tzu Bremflaw, Templyn, Strazpurk, Furstenberder, Jagow vnd Czedenick, vnd alle Ritter vnd Knecht, die in der Uker vnd vmb die Stete gefelsen seint, aller sulcher huldungen vnd gelubden, die sie Vns, als von der Marke wegen zu Brandenburg getan haben, ledige vnd los gelafen haben vnd haben sie an den hochgeborn

Sigismunde, Marggrafen tzu Brandenburg, vnsern lieben Bruder vnd Fursten, gewieset, vnd weisen sie auch an Yn, sine Erben Mannes Geflechte, mit Krafft ditz Briefs, vnd wer getan, das der egenannte vnser Bruder Sigismunde abginge vnd stirbe vnd nicht Erben mannes Geflechte gewonne, so soll die egenannte Marke zu Brandenburg mit aller seiner Zugehoringe an den hochgebornen Johanfen, hertzogen zu Gorlitz, vnsern lieben bruder vnd fursten, vnd sine erben mannes geflechte on alles hindernisse geuallen, vnd so das geschit, so sol das hertzogtum zu Gorliz vnd was her in der Mark zu Lufiz hat, mit aller herfschafft, Steten, Landen, Lüten vnd Zugehoringen, lediclichen vnd an alles hinderunge wider an Vns, als eynen Kunige zu Beheim, vnd vnsern erben gevallen. Wer aber getan, das die egenante vnser Bruder beide starben, do Got vor sey, vnd erben Mannes geflechte hinder yn nicht enliesen, so sol die egenante Mark tzu Brandenburg mit allen herfschafften, Steten, Landen, Lüten vnd allen in zugehoringen wider an Vns, als eynen Kunige tzu Beheim, vnser erben vnd nachkomen, Kunige vnd die Cron zu Beheim, lozz vnd lediclichen geuallen. Mit Vrkont ditz brieffs verfigelt mit vnserm Kuniglichen Maieftät Infigel, der geben ist tzu Prag, nach Cristes Geburt dreutzehen hundert Jar, darnach in dem acht vnd sibentzigsten Jare, an dem nechsten Freitag nach den hiligen Pfingsttage, vnser Reiche des Böhmischen in dem funfzehenden vnd des Römischen in dem andern Jaren.

Ad mandatum Domini Regis Rom. Archiepiscopus Pragenf.

Wencefflaus de Jenicow.

Nach Beckmann's Abschrift des Originals.

XVIII. Herzogin Agnes von Pommern-Stettin, Fürstin zu Rügen, quittirt den Markgrafen Friedrich über eine des Uckerlandes wegen erhaltene Zahlung, am 21. November 1416.

Wy Agnes, von godes gnaden hertogynne to Stetyn vnde ffurstynne to Rügen, Bekennen vnde betüghen jn desime openen breue vor vns, vor vnse kynder, vor vnse leuen vedderen, vor vnse eruen vnde nakomelinghe, dat wy van den dochtighen mannen Jüryen van kynfberghe, haffe van bredowe, clawes bolte, zabel myddewolde, zabel grybe, ratmanne to Premflaw, to ener gantzen noghe bort vnde entfanghen hebben nu to der tyd de helfte der penninghe van des vkerlandes wegen, na lude vnde vthwisynghe des breues, den wy dar vpp hebben van des dorluchtighen hochgheboren ffursten vnde heren, hern ffridrich, Margreue to Brandenborch, ertzekemerer des Romischen rykes vnde Borghgreue to Nürenberch, vnser heren vnde leuen swagers wegen. So late wy Agnes van vnser, van vnser kyndern, van vnser leuen vedderen vnde van der jenen wegen, den de breff to truer hand to sereuen vnde to ludende is, den ergenanten jrluchtighen ffursten Margreue ffridrich, vnser leuen swager, Syne eruen vnde syne medeborghen, de dar vorelouet hebben, van der helfte der erbenanten penninghe qwyt, loddich vnde loes jn desime vnser openen breue, vnde desse beredinghe hebben entfanghen vnde nomen van vnser wegen na vnser hete vnse leuen ghetruwen her Curd bonow, Archydiake to Trybuzes, hans Nyenkercken, vnse voget to deme olden torghelow,